

## **1439 - Herzog Gerhard überweist seinem Koch Gerhard Schatz, Dienst u. Futterhaier des Guts zur Moilen in der hunschaff Lyntorp.**

**Der Amtmann von Angermund und andere Amtsleute sollen ihm dabei handhaben.**

Wir, Girhart <sup>1)</sup> van Goits genaden hertzauge zu Guilge, zo dem Berge, etc. und greve zo Ravensberg  
 doin kunt ind bekennen avermitz desen breyff <sup>2)</sup> vur uns, unse erven ind nakomelinge, dat wir <sup>3)</sup> rechter, kruliger schault schuldich syn Girharde, unsem koche, dryssich oeverlentsche gülden van  
 eyne perde, dat he dar vur verkouffte unsem oemen wilne <sup>4)</sup> hertzaugen zo Guilge seliger ind dat vort  
 wart herrn Johan van Stummell, wir goulden yem auch eyn pert, dat wir vart gavs n Rutger, unsem  
 stalknechte, dat kost seessunddryssich averlentsche gülden, wir goulden yem noch eyn pert aff  
 vurunssselven, dat koste echtunddryssich averlentsche gülden, des hain wir yem tzwenzich averlentsche  
 gulden betzailt, also bliven wir eym noch van den vurscr. <sup>5)</sup> perden schuldich vierundehtzich  
 averlentsche gulden, vur wilche vurscr. some wir dem vurscr. Girharde ind synen erven yn gegeben,  
 verbunden ind versat haben, ingeven, versetzen ind verbynden in crafft dis breyffs alsulgen unssen  
 schatz, dienst ind voeder haver, als unss dat goit zor moilen, in der hunschaff van Lyntorp gelegen, dat  
 Johan zor Hoeven seliger zo haben plach, also dat der vurscr. Girhart ind syne erven sulger schetzongen,  
 diensten, voeder haveren ind vort allit dat uns van den vurscr. guede geburen mach van nu vortan in  
 affslach der vurscr. somen vierundehtzich averlentscher gulden upheven, yn nemen ind buren sullen,  
 bis so lange ind zertzyt, dat sy de vurscr. some gentzigen ind zo maill upgeburdt ind yngenomen haben.  
 Were auch sache, dat de ghene, de dat vurscr. goit yn henden haben, sulge schetzonge, dienste ind  
 voderhaver <sup>6)</sup>, so we uns dat da van geburen moichte zo eynchen termyne, dem vurscr. Girharde off  
 synen erven nyet en betzailden noch en deden as sich dat geburde, so bevelen wir unsem amptman <sup>7)</sup>  
 yetzunt zo Angermont is, ind vort den andern unsen amptluden van unsen wegen darkomen werden zo  
 gesynnen des vurscr. Girhart off synre erven zo allen zyden as yn des noit were, dat dan zo yne behoiff  
 uysspenden <sup>8)</sup> laissen gelyc uns selves gelde, ind wes sy dan also zo igligen termyne van dem vurscr.  
 goude upburen werden, bevelen wir unsen amptluden vurscr. yre quytantien <sup>9)</sup>, da van weder zo  
 entfangen uns damit vort rechenschafft ind bewysonge zo doin, as sich dat gebürt, ind auch sulgen gelt  
 zo igligen termynen den luden <sup>10)</sup> in der vurscr. hunschaff, da dat goit vurscr. gelegen is, in irre somen  
 aff zo kurtzen ind unss dat vort zo rechnen bis zortzyt, dat de vurscr. Girhart ind syne erven de vurscr.  
 some vierindehtzich averlentsche gülden in maissen vurscr. upgeburdt haben, da by wir sy auch so lange



laissen ind behalden sullend sunder icht anders dar weder zo doin noch geschien laissen in gheynre ley wys sunder argelist <sup>11)</sup>

Ind des zo bekentnisse haven wir unse segell <sup>12)</sup> vur uns, unse erven ind nakomelinge an desen breyff doin hangen. Gegeven in den jaren unss heren dusent vierhundert ind nuynunddryssich jair up den donrestach na sent Peters dage ad vincula <sup>13)</sup>.

Per commissum Gotfridi de Lapide <sup>14)</sup>  
et Reynardi Kuyst magistri coquine <sup>15)</sup>.

(H. St. A. Düsseldorf, Jülich-Berg I, Nr. 71)

- 1) Herzog Gerhard (1437 – 1475). Aus seiner Zeit stammt der älteste erhaltene Düsseldorfer Zunftbrief der Schumacher.
- 2) durch diesen Brief
- 3) von krolen = laut schreien, gröhlen (im Sinne von offenbar werden?)
- 4) Herzog Wilhelm (1360 – 1408). verlieh Düsseldorf volle Gerichtsbarkeit. 1380 wurden er zum Herzog erhoben, erbaute die Düsseldorfer Lambertuskirche.
- 5) vurscr (even) vorgeannt.
- 6) Futterhafer
- 7) Um 1470 war der vermögende Ailff von Quade auf Pilkrath (Bilkrath) Amtmann. Er begründete die Jahrmärkte in Angermund.
- 8) auspfänden
- 9) Quittungen, quitanz (mhd) quitantia (mlat.)
- 10) Leuten
- 11) ohne Arglist
- 12) Siegel
- 13) Fest S. Petri Kettenfeier
- 14) Gottfried von Stein. Ein Ruprecht von Stein (auf Haus Angerort) war um 1470 Amtmann des Amtes Angermund
- 15) Küchenvorsteher

